

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Odbor za privredu

Broj: 02/12-02-1978/25-1
Sarajevo, 29.10.2025. godine

DOMU NARODA
PARLAMENTA FEDERACIJE BiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 30-10-2025			
Org. jed.	Broj	Priloga	Vrijednost

Odbor za privredu Doma naroda Parlamenta Federacije Bosne i Hercegovine je na 15. sjednici, održanoj 29.10.2025. godine, razmatrao:

1. Prijedlog odluke o prihvatanju dodatnog zaduženja po osnovi izmijenjenog i obnovljenog ugovora na Ugovor o zajmu od 12. septembra 2018. godine između Bosne i Hercegovine i Evropske banke za obnovu i razvoj za realizaciju Projekta Koridor Vc - Dio 3 dionica Poprikuše - Nemila,
2. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Projekt pravedne tranzicije u odabranim regijama bogatim ugljom u Bosni i Hercegovini,
3. Aktivnosti vezane uz Urgenciju za ispravku uočenog propusta tokom registracije privrednih društava iz RS-a za bavljenje geološkim istraživanjima na prostoru FBiH koju je dostavila Inženjerska komora Federacije BiH.

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", br. 27/03, 21/09, 24/20 i 60/24), Odbor podnosi Domu naroda sljedeći:

IZVJEŠTAJ

1. Prijedlog odluke o prihvatanju dodatnog zaduženja po osnovi izmijenjenog i obnovljenog ugovora na Ugovor o zajmu od 12. septembra 2018. godine između Bosne i Hercegovine i Evropske banke za obnovu i razvoj za realizaciju Projekta Koridor Vc - Dio 3 dionica Poprikuše - Nemila

Obzirom da sjednici nije prisustvovao izvjestioc na navedenu tačku dnevnog reda, Odbor za privredu nije razmatrao Odluku o prihvatanju dodatnog zaduženja po osnovi izmijenjenog i obnovljenog ugovora na Ugovor o zajmu od 12. septembra 2018. godine između Bosne i Hercegovine i Evropske banke za obnovu i razvoj za realizaciju Projekta Koridor Vc - Dio 3 dionica Poprikuše – Nemila.

2. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Projekt

pravedne tranzicije u odabranim regijama bogatim ugljom u Bosni i Hercegovini

Nakon obrazloženja predstavnika predlagača i rasprave na sjednici Odbora, Odbor predlaže Domu naroda da razmotri i donese Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Projekt pravedne tranzicije u odabranim regijama bogatim ugljom u Bosni i Hercegovini.

3. Aktivnosti vezane uz Urgenciju za ispravku uočenog propusta tokom registracije privrednih društava iz RS-a za bavljenje geološkim istraživanjima na prostoru FBiH koju je dostavila Inženjerska komora Federacije BiH

Odbor je u okviru sjednice organizovao sastanak sa predstavnicima Inženjerske komore, Federalnog ministarstva energije, rudarstva i industrije, Federalne uprave za inspeksijske poslove i Odbora za energetiku, rudarstvo i industriju Predstavničkog doma Parlamenta Federacije BiH.

Članovi Odbora su detaljno razmotrili navedenu tačku dnevnog reda i jednoglasno usvojili sljedeće:

ZAKLJUČKE


1. Odbor predlaže Vladi FBiH i nadležnim ministarstvima da donesu Pravilnik o licenciranju privrednih društava u skladu sa nadležnostima federalnih ministarstava u odnosu na mjesto registracije,
2. Odbor predlaže Vladi FBiH i nadležnim ministarstvima da pokrenu procedure ispravke propusta koji je uočen tokom procedura registracije privrednih društava za bavljenje registrovanom djelatnošću iz oblasti geologije i geoloških istraživanja na prostoru FBiH,
3. Odbor predlaže Vladi FBiH i nadležnim ministarstvima da što prije izvrši usaglašavanje zakonskih rješenja i procedure priznavanja licence za privredna društva i ličnih licenci za inženjere.


U skladu s članom 51. Poslovnika, za izvjestioca na sjednici Doma naroda ispred Odbora određen je Ivan Odak, predsjednik Odbora.

Prilog:

- Urgencija za ispravku uočenog propusta tokom registracije privrednih društava iz RS-a za bavljenje geološkim istraživanjima na prostoru FBiH, broj: 02/12-02-684/25 od 12.03.2025. godine

**ZAMJENIK
PREDSJEDNIKA ODBORA**


Nezim Alagić



Broj: 01-01.1-95/2025 IK
Sarajevo, 11.03.2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priljeno:		12-03-2025	
Org. jed.	Broj	Priloga	Vrijednost
01/15	- 02 -	084	25
02/12			


Federacija Bosne i Hercegovine
Vlada Federacije Bosne i Hercegovine
n/r gosp. Nermin Nikšić, premijer

Federacija Bosne i Hercegovine
Federalno ministarstvo energije, rudarstva i industrije
n/r gosp. Vedran Lakić, ministar

Federacija Bosne i Hercegovine
Federalna uprava za inspeksijske poslove
n/r gđa. Ivana Prvulović, direktorica

Parlament Federacije Bosne i Hercegovine
Predstavnički dom
Odbor za energetiku, rudarstvo i industriju
n/r članova Odbora

Parlament Federacije Bosne i Hercegovine
Dom naroda
Odbor za privredu
n/r članova Odbora



PREDMET: Urgencija za ispravku uočenog propusta tokom registracije privrednih društava iz RS-a za bavljenje geološkim istraživanjima na prostoru FBiH

Poštovani obrađamo Vam se da pokrenete proceduru ispravke propusta koji je uočen tokom procedura registracije privrednih društava za bavljenje registrovanom djelatnošću iz oblasti geologije i geoloških istraživanja na prostoru FBiH.

Unutar Sekcije geologa Inženjerske komore FBiH postoji opravdano nezadovoljstvo što nisu u mogućnosti svoje aktivnosti provoditi na teritoriji Republike Srpske, odnosno što im je ta mogućnost uskraćena promjenom Zakona o geološkim istraživanjima RS-a prije desetak godina. U isto vrijeme privredna društva iz RS-a nesmetano obavljaju svoje aktivnosti na prostoru FBiH zbog propusta koji je nastao pogrešnom primjenom Zakona o geološkim istraživanjima FBiH i pogrešnom primjenom nadležnosti.

Ustav BiH je jasno definirao nadležnosti na državnom i entitetskom nivou, entitetska nadležnost je geologija i rudarstvo a kontrola sprovođenja Zakona na entitetskim inspekcijama. U FBiH je to Federalna uprava za inspekcijske poslove. Privredna društva u entitetu FBiH su osnovana u skladu sa Zakonom o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08 i 7/09), privredna društva u entitetu Republika Srpska su osnovana u skladu Zakonom o registraciji poslovnih subjekata u Republici Srpskoj (Službeni glasnik Republike Srpske br.42/05).

Privredna društva u FBiH su stavljena u neravnopravan položaj u odnosu na privredna društva iz Republike Srpske i prilikom inspekcijaskog nadzora jer Federalni inspektor nema nadležnost na prostoru Republike Srpske te ne može vršiti inspekcijaski nadzor kako se to vrši na prostoru FBiH u skladu sa članom 2. stav 3, stav 4d i stav 5b, članom 3., članom 5, članom 6., članom 47., i posebno sa članom 62. Zakona o inspekcijama FBiH (Službene novine Federacije BiH", br. 73/2014 i 19/2017).


Postavlja se pitanje mogućnost valjane kontrole rada privrednih društava iz Republike Srpske.

Radi svega navedenog molimo Vas da licenciranje privrednih društava vršite u skladu sa entitetskim nadležnostima i u skladu sa Ustavom BiH odnosno u skladu sa Zakonom o geološkim istraživanjima član 21. Zakona o geološkim istraživanjima (Službene novine Federacije BiH", br. 73/2014 i 19/2017).

Član 21.

(Privredno društvo ili javna ustanova koja se može baviti izvođenjem geoloških istražnih radova)

(1) Izvođenje istražnih geoloških radova, izradu i reviziju projektne, tehničke i druge dokumentacije za geološka istraživanja može vršiti privredno društvo ili javna ustanova registrirana za ovu djelatnost kod nadležnog suda a koja ima rješenje Federalnog ministarstva o ispunjavanju uvjeta za bavljenje registrovanom djelatnošću iz oblasti geologije, u skladu sa ovim zakonom i Zakonom o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08 i 7/09).



Zakon o privrednim društvima FBiH reguliše registracije privrednih društava u FBiH, Zakon o registraciji poslovnih subjekata u Republici Srpskoj (Službeni glasnik Republike Srpske br.42/05) reguliše rad privrednih subjekata u RS-u a u skladu sa entitetskim nadležnostima i Ustavom BiH.

Molimo Vas da pokrenete proceduru kontrole Rješenja o bavljenju registrovanom djelatnošću na prostoru FBiH i date razuman rok privrednim društvima koja su registrovana u RS-u da usklade svoje aktivnosti i registraciju sa Zakonom o geološkim istraživanjima FBiH član 21. (Službene novine Federacije BiH", br. 73/2014 i 19/2017) uz napomenu da prema Zakonu o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08 i 7/09). član 10. stav 5. Podružnice nemaju svojstvo pravnog lica.

Međusobno priznavanje licenci je moguće izvršiti na entitetskom nivou između nadležnih entitetskih Ministarstava. Potrebna je posebna pažnja u ovom priznavanju jer kroz brojne Pravilnike za oblast geologije koji su doneseni u entitetu RS, za bavljenje određenim poslovima forsiraju se usmjerenja i diplome sa fakulteta u okruženju koja nazivno ne odgovaraju diplomama RGGF-a u Tuzli.

Trebaće razumjeti nezadovoljstvo geologa u FBiH i kolika je šteta napravljena privrednim društvima u FBiH pogrešnim tumačenjem Zakona. 72 aktivna privredna društva registrovana u FBiH za bavljenje geološkim istraživanjima ovim tumačenjem imaju nelegalnu konkurenciju privrednih društava iz RS koje je nemoguće kontrolirati jednako pravično u skladu sa entitetskim zakonima o inspekcijama.

Prema spisku na stranici FMERI broj društava iz RS kojima je pogrešnom primjenom zakona omogućeno registrovanje u FBiH je 16. Pojedina privredna društva iz RS-a su mogu ponuditi najniže cijene na tenderima i tako sklopiti ugovore u Federaciji BiH gdje svojim cijenama zbog sigurnih aranžmana u RS imaju mogućnost nastupa sa nižim (damping) cijenama. Ovim aktivnostima popunjavaju ili dopunjavaju raspored svojih aktivnosti u RS-u. Trenutno ekonomsko stanje u FBiH i nove obaveze za privredna društva zahtijevaju reakciju nadležnih tijela i u ovom segmentu.

Ovim aktom samo tražimo dosljednu primjenu Federalnih zakona i načela pravičnosti postupaka. Posebno ističemo sljedeće zakone: Zakon o privrednim društvima FBiH, Zakona o upravnom postupku FBiH, Zakona o geološkim istraživanjima FBiH, Zakona o upravnom postupku i Zakona o inspekcijama FBiH.

POTPREDsjedNIK / V.G. KOMORE FBiH.

Mirsad Jašarispahić, dipl.ing.maš.



PREDsjedNICA IK FBiH

Prof.dr. Sanela Klarić, dipl.ing.arh.

Dostaviti:

-Naslovu,
-a/a.